

仙澄居士陰文

居士姓者市川名者常吉佐平司之長男也以嘉永二年四月三十日
生于比企郡七郷村大字越畑十八歳而嗣家調理家庭頗得其當娶
田島氏長女か與子誉五男二女長□藤三郎為嗣子居士者資性謹
直當事果斷出入之意表衆之歸名望衆亦宜也廿二年被選村會議
員爾來勤續十有一年如一日能補翼村治郷黨為之裕其德也多焉
廿四年被拔名誉助役在職雖日淺其功蹟偉也廿八年為學區議員
精勤續十星霜苦慮學事之不振有發展可察者全年兼學務委員在
職通計十有五年出幾多之俊才卅六年為常設委員卅九年為區長
四十一年為道路改築會計主任四十二年為同副委員道路之便可
謂興而有力也勵勤敢行拔萃而能盡力地方公共事業噫惜哉來告
竣功而罹病溘然逝行年六十有一實明治四十二年九月四日也村
人酬居士生前勤勞贈弔資料若干以慰尊靈嗚呼碩德偏郷里家道
逐年繁榮子孫累葉滋茂□誌其梗概而已

明治四十五年

畊雲撰並書